

山陽遺稿  
詩

二

113
999
7





5413  
號 999  
卷 7

山陽遺稿卷之四

大正  
仙  
寄贈

賴襄 子成著

己丑

元日

去年殘燭影微微今歲朝陽來到遲  
四十九年非與是依  
酒醉未醒時

題畫

春寒臥我廬看此春山圖欲題新句去  
研凍不容書

細川賴之

養成弱主身宮戍拔得強臣眼裏丁  
旗幟精明君莫怪清

山陽遺稿卷之四

詩



風禪榻喚翁醒。

十一日夜飲于後藤氏歸途所見

宮漏沈沈月在空。夾街萬樹玉玲瓏。紫宸朱雀知何處。三十六宮春雪中。

上元送添川仲穎東歸

客程新曆日。文會舊窻櫺。寒在梅華碧。宵深蠟燭紅。離觴上元酒。歸轎半春風。還遇昌平友。能談及此翁。

雲華師來吾書課未了延之別室

爐火通紅湯沸鑪。瓶中梅萼數枝明。付君清福能消受。更向窻閒著雪聲。

再與仲穎話別

青燈綠酒自情親。明日行裝趁路塵。游歷當追少年日。文章方遇太平春。意中桑梓程猶遠。望裏芙蓉雪正新。老病尋常重離別。未道天涯如比鄰。

春寒詞

雪裏烏輪凍不飛。紫鳳蹙翼半棲機。春蔥尖尖紅玉屯。不任金鍼縫春衣。碧窻梅華同愁絕。哥蜜一瓶曉欲裂。試調眉暈脂水凝。紅霞上臉知何日。

浪華邈近草場珮川珮川訪余於備後去今二十年矣



黃葉斜陽已廿年。軟紅塵裡再駢肩。半生飄蕩成何事。看我新霜上鬢邊。

○西宮與雲華師會次其韻

驛亭燈火依微影。官道籃輿鴉軋聲。共向鄉園君較遠。幸然同此十餘程。

途上

埃樹風生日欲曛。驛亭買飯雜沙塵。十年九過山陽道。唯為家鄉有老親。

播州鶴龜邨店

寒倚倒影兩三家。一樹山櫻未著花。埃我侍輿東上日。要

看暖雪壓檐牙。

○省鄉五律二首

聞雞辭旅店。裹足度山陽。殘雪二丹白。連峰三備蒼。春寒麥苗短。日薄爨煙長。心愧平生學。何謀濟歲荒。

求朋方北學。省母又西轅。坐轎累民力。移郵猶國恩。遙雲迷雪色。初日法霜痕。人語鄉音雜。方欣近故藩。

播備之際懷古

播山備嶺互盤陀。扞賊三郎事可論。不挽君鄉兒嶋口。卻放船軍過海門。

過廉塾



驛門右折路橫斜。亂柳疎篁舊隱家。鳧鴨不知人已逝，猶隨流水啜梅花。

○尋杏翁三次官廨

巒容攢地脊。水勢赴山陰。吾叔衰遲久。斯鄉瘴癘深。遙攜一尊酒。欲慰七旬心。對醉春燈底。雪明檐外林。

吾嘗獻家叔磁杯。攜之南遊。誤破更補。及歸省齋。往再獻。

隨君遊芳野。獻君以酒卮。云是廣東窰金骨。土為肌。恃其墮不碎。攜將上屢屨。輿夫手誤壓。毀損嘻難追。綴補存痕迹。適足記當時。夜酌菟川驛。卯飲藏王祠。尤憶千株店。泛

花傳相持。今來遠省覲。囊齋充歸遺。盈之切思君堅剛性。比似金質磁。軀殼無少虧。貯神醇不醜。苟無外患虐。不須丹液醫。保護子姪責。承歡及期頤。

○子晦從弟上計趨國府與偕卽事

雪汁增春漲。雨聲來夜船。逆流篙力竭。上陸炬明牽。同汝舟輿路。思吾鞋鞢年。暗泥行已過。驛酒再陶然。

漢辨亭憶昔

重乘漢辨驛。南舟憶伴吾翁趨。石州垂髻荏苒成。霜鬢三十二年如水流。

○題司馬仲達觀武侯營址圖



死諸葛生仲達吾能料生不料死此語大癡乃小黠卻有  
天下奇才目足見英雄心真服壽曰管蕭流甫曰伊呂儔  
後儒贊頌雷全耳不若公論出敵讎

○吉田驛感毛利典厩事作

舍舟夜投吉田驛心記江公創業跡猛雨打輿暗箭集河  
漲聲聞萬刀戟朝起山河列眉明策杖獨尋公墳塋塋上  
老木槁不死隧道深嚴華表峙仰瞻城墟連雲起山開鳥  
翼襟河水曹山在背猪山面果信北軍墮計裏援軍孤壘  
在其間形勢頗殊舊閱史當時眼已無二家終使十州拱  
旗牙河堤西指嚴嶋路想見出師誅豕蛇風濤雷雨助號

令百怪惶惑避義戈請詔復仇真偉舉黃金撐斗擎日車  
乃祖酷肖荀文若此公卻類孫討逆大兒如虎小兒龍亦  
如江東權與策休比輿櫬入洛陽頗似納籍歸汴梁錢氏  
福與趙家長公才什倍武肅王洒掃不廢裔胄在恨無碑  
文託雪堂來拜者誰外臣襄家世生長公舊疆少脩私史  
諳公事今日墳前始辦香土非行沃民力薄經營四外餘  
裕綽勤儉富國無磽墘鼓舞強兵無羸弱玉帶名馬好不  
存一生唯有用士樂嗟哉真英雄主不可作

十八日至鄉明日先考忌辰志感

懷鄉來遠道展墓及斯辰不寐埃明發具慶思昔春行筐



齋茗酒薄奠助繁蘋喜見新男婦尸饗秩祭儀

或獲方廣寺瓦用為燈籠索詩

髻髻桐花記阿藤參差翠縫想觚稜憐無功德庇孫子一  
片殘鱗籠夜燈

與坂井生小飲

萱堂省病一旬多芸閣論文半日過菜甲梅花春幾許酒  
光燈影夜如何通家兩世寧疎闊舊業三餘要切磋及子  
衿青當努力看吾鬢髮忽皤皤

侍母東上舟中作

吾行準擬及花開倩得輕舟破浪來欲罵春風太慵懶布

帆終日不離梳

一蓬掠過白鷗煙臥閱青山總可憐聞得舟人呼飯熟船  
窻推醒阿娘眠

閒傍柁樓傾濁醪舟人分座且醅醕遙呼漁叟買紅鬣活  
撥鮮鱗不受刀

嵐山

奉母嵐山第四回板輿未到已花開春風畢竟舊相識留  
取殘紅待我來

栗田戲作似送行諸子

把酒旗亭別送人禽聲草色太平春攜妻挈子同從母非



是流民是逸民、

鈴鹿關

泥帶殘紅兩點斑。全家聯轡度春山。追思十六年前事。衝雪獨過鈴鹿關。

路上

東過鈴鹿路平平。旅服方逢連日晴。滿地春風行不盡。菜花黃雜紫雲英。

河碕舟赴雙鑑浦

春帆不嫌緩舍轎。就江灣暖靄三河郡。斜陽兩勢山此行。從阿母何處不鄉關。到岸投村店。鮮魚醃醉顏。

五十鈴川

平地生雲氣。參天疊木陰。萬年神在處。兆庶子來心。此水流今古。何人測淺深。姦雄欺裔胄。不遁大陽臨。

雙鑑浦觀出日歌

金鳥新浴大東洋。帶濕朱輪未吐芒。參山遠山猶宿霧。海濤漸作赤金光。三万六千中一日來。此始見全日出。瞬息飛升難正視。乃信催吾白鬢髮。今日春盡欲呼觥。傳語羲和且徐行。

還由伊賀路

幾宵投宿軟塵中。路轉山村見古風。迎客小庭新灑掃。當



山陽先生遺稿卷四  
階一樹映山紅。

上野黑門是寬永中渡邊氏復仇處

伊賀城頭西閤門復讎有跡恍血痕仇人騎馬魚貫過挺  
刀一呼褫渠魂姪夫慷慨慊從義脊令原寒同雪寬一水  
西渡是嶮原當時投宿館猶存吾來挑燈思往昔想見淬  
刃候曉暾嗟哉士風猶使薄夫敦寬永之俗今誰論

○兩伊道中書感

膏腴負海郡。形勝要路津。支封擅一國。嶮抗帶嶙峋。高穎  
非隋士。趙普本周人。相時助新主。効謀等舊臣。殺削藩鎮  
力。能使桀驚馴。陰贊太平業。流澤被生民。有功當食報。享

富豈無因弱末終傷本。隋宋勢或均。至計久必弊。變通要  
歸仁。九原如可作。此意向君陳。

○笠置山觀 元弘行在所作歌

巨靈手拔地骨起。怪岳萬尺爭層累。豎者爲櫓橫爲墻。天  
作高城淹天子。元弘之元秋八月。龍旂憑險事倉卒。黠  
賊蟻附緣閒道。一敗蒙塵更播越。普天何人非玉臣。誰赴  
急難來竭蹶。猶賴祖宗在天誘帝心。夢賚異材是良弼。君  
在臣敢死。臣在賊滅可指日。唯願君心終始一。笠山南望  
芳埜山。再狩之駕不復還。君玉唯忘在此危。九仞一簣真  
可惜。吾來慷慨憶當時。時認石顛鑿礎基。藤公傳勅楠公



疏。此處是耶未可知。居民爲我指村墟。爲賊鄉導實由渠。至今猶不通婚嫁。童孺唾罵斥如奴。嗚呼蚩氓猶能辨大義。寄語人間士大夫。

至家乃雨

十日閒遊盡朗晴。薄陰昨作好舟行。一尊今夜軟吾腳。穩臥南窗聽雨聲。

下江同小竹主人及諸子訪半江居士居士新獲明人書七言絕句在壁依其韻同賦是夕雨居士留我宿焉

雨澆簷樹綠扶疎。點滴聲中酒味餘。醉欲眠時人盡去。真

成高枕卽吾廬。

遊泉州與小竹半江二子偕

秧鉞青老麥芒黃滿路薰風衣袂揚。攜得佳朋行且語。天鷄聲裏日方長。

○鹿跳澗是湖水瀉出爲溪之處以鹿跳可渡名焉己丑五月侍輿往觀紀以詩

太湖三萬頃。其水西南傾。五州怕魚鼈。難拒勢建瓴。護之以山壑。厓岸互拄撐。輸寫漸弗猝。譬如酒出罌。有餘乃溢。出湖面無縮。羸脈脈過菟道。混混赴茆渚。長橋虹霓跨。大編羽毛輕。誰信尋其口。裁如一溝橫。偉此造物巧。萬古安



群氓。近聞有獻策。決開利舟行。湖船可通海。運漕捷路成。  
咄哉挈竝智。敢欲鬪巨靈。

日野亞相公辱臨恭賦奉謝時老母來在京寓

不須村巷戒傳呼。小隊來過草閣蕪。劍佩有香來研席。門  
庭無地納車徒。闈中寧剪陶姑髮。竹裏方攜嚴武廚。朝退  
太遲當卜夜。未辭執燭起鵝臯。

木鷄至

倒屣相迎笑輾然。呼杯欲待夕陽天。借君冰簟借君枕。向  
我溪亭姑一眠。

題雪堂畫

柳絲雨脚共斜斜。一傘枝撐風力拏。太似鴨兒川畔路。衝  
泥昨日訪君家。

題謝安東山攜妓圖

紫翠鉛華兩愜情。自疑起臥繫蒼生。誰知淝水震天鼓。猶  
似嬌絃脆竹聲。

重陽侍母飲壁上挂先君畫菊十六年前此日在家  
所賜感作

曾將今日省嚴親。爲寫黃花醉墨新。侍母畫前強作醉。此  
身非復具慶人。

中秋赴岩碻氏招飲得照字



看月何處好。莫若湖上妙。住京十七秋。佳期邁每少。君家踞湖壖。迎吾恣臨眺。更許將吾母。欣然行侍轎。憑檻瞰淪漪。斜陽在遠嶠。月出樓之側。湖面已橫照。要看冰輪全。更命桂舟漂。洗杯蹙金波。併月酌相釃。一輪行萬頃。天水澹不搖。紅塵窺玉兔。此興曾遙料。今秋屬大風。怒號發萬竅。秋禾偃還起。未至騰糴糴。人安我亦安。風月足吟嘯。佳境承新歡。誰不開口笑。不辭風露露。月傾未返棹。

絕句

京城迎母半年留。月白風清何處遊。待我板輿三十里。借君湖閣作中秋。

風露露衣眠未成。小欄干外月空明。湖魚亦識人猶醒。跳破金波夜有聲。

聞天民五山遇災作此歌弔慰

天憎五山穿天心。月疾天民出月脅。風怒其嘲雲怒哂。花木蟲魚嗔蝶狎。協謀合圖遣祝融。雲師建旆封姨翼。天民同災玉池魚。黎藁半燒灰滿甌。最痛五山罹酷禍。未刻稿本空幾篋。半生咿嚶琢奇語。鉛槧數改防躑躅。何圖天翁久睥睨。龔焚積聚奪素業。君不見君曹詩已傳。萬口沁萬脾。何論六丁下搜括。筆底之詩猶可焚。胸中之詩不可劫。萬累掃空唵身在。裸臥天地眠。駘駘徐起咳唾三千首。清



新更如水出峽題曰己丑災後集精明一變換舊法譬如  
曹瞞赤壁歸後養生兵更臨大江耀戈甲

讀南北史小樂府十二首

非是田舍翁草間英雄起一麾蠅拂手生擒數天子  
問耕不必奴問織不必婢何以禦佛狸唯恃長江水  
髑箭射君臍紗帽被君首作事須及熟莫落他人手  
肉中終有血一死知所處寧將一家物推付一家去  
得失皆自吾吾知亦分明何倩短脚漢蹋我金甌裂  
長江雖天塹已付韓擒虎猶有景陽井個中亦樂土  
惡人如惡馬蹄齧不足慮獨此賀六渾不受君駕馭

誰教鮮卑兒解遣紹宗來高王定未死悔擲大行臺  
渭曲多萑葦誰爭黑獺居如何事潛匿不祭江河魚  
生憎盲老公手能翳明月百升陷入地冤血剗不滅  
關西有男子不爲降將軍卻降騎虎者操戈剪宇文  
獨狐豈誤我奈此天數何縱立見地伐未必異阿摩

送母西歸觀楓箕面坂上大塚二氏爲導

紅楓相映醉慈顏侍得歸輿未直還今歲此游堪壓尾攜  
來佳酒看佳山

送母路上短歌

東風迎母來北風送母還來時芳菲路忽爲霜雪寒聞雞



卽裏足侍輿足槃跚不言兒足疲唯計母輿安獻母一杯  
兒亦飲初陽滿店霜已乾五十兒有七十母此福人閒得  
應難南去北來人如織誰人如我兒母歡

書感

去年西海道風波駭鯢鯨更聞姦猾民外交輸國情今年  
東海道火災半都城元老不憖遺奈何此蒼生恐虞憶寶  
永凶饑念天明今秋賴有稔三農喜餘贏吾行徑山陽沿  
路方西成甌窶篲已滿汗邪車已盈歎揚糶沙磧晒曝乘  
霽晴民心應蘇息物價止踊騰旻天眷祖澤運蹇復扶傾  
腐儒饜粗糲莫可歌太平

竹原

出墻盧橘尚依然自別音容已五年猶憶書樓畱老姪笑  
談連夜每遲眠

上隴

蕭然旅服始離船來拜墳塋松柏閒飄蕩天涯已衰鬢未  
知埋骨向何山

堯佐奉檄將東來別于尾路

衣稜初日換青衿槍號寒風拂綠沈話別江關年欲暮促  
程函嶺雪方深後來官跡爲何狀前路交情獨此心剪盡  
夜燈論出處曉窻過雁亦哀音



山陽先生遺稿卷四  
題畫山水

泉懸雲樹閒幽寺在溪處欲往山蹊遙經聲雜水語

韓信過胯圖

委蛇全初年岸異蹶末路如何噲等肩不及屠兒胯

張良受書圖

其意不在書時機教先赴先據函谷關先塞成皋路

舟赴玉嶋維而上問泉藏信宿見送賦謝

漕渠一脈路透迤攜手長堤步午暉此水還如故人意迎  
吾來到送吾歸

舟中有作

回指親庭隔夕暉關心家室卻京畿蓬窻有夢常分背不  
似征帆一向飛

回頭

仰頭瞻胄山回頭望兵庫萬帆指華港重城出烟樹迎母  
已此路送母亦此路送罷獨東歸吾心乃西悲妻兒待我  
朋要我獨奈慈顏乍離違願母長生吾健在迎送此路無  
窮期

海陸小詩二十四首

綿衾薄如紙夢覺曉燈青知有先吾發門前過馬鈴  
芒鞋半欲穿埃樹生暝色微醉擘霜柑寒風奪酒力



姬路城樓高英雄據此起謀臣曾記名契合如魚水  
酒店養龜兔樵橋過去牛兩又閤首路右者走因州  
纔過榛州盡黍州路又艱平郊望城樹認得是岡山  
途長苦日短數與歸牛遭登登村樹盡太白向人高  
土鼎茶方沸茆蒼霜始乾病夫艱蓐食十里乃朝餐  
山頭盡殘日山腳起爨煙行客怯長堦輿夫愁短錢  
連車載薏苡傳驛催丁夫舊尹東歸處坐輿皆僕奴  
槍號白氍毹知渠毛利氏山陽過十州盡是祖宗地  
行人喚渡航沙步連村市曾灌高松城心知此水是  
一嶺界封疆瓦光包海氣宿檣森似林京信有來未

右陸路

枕底聞波聲不知是何處歸鄉夢未續舟子夜相語  
船尾動晨爨揭蓬風撲面已過柞原城城墻隱復見  
有月挂高帆無風搖急櫓蓬窻聞犬聲應是來牛浦  
幾緡征鞋破一帆歸艇速船窻指來路遙在連山北  
烏檣笠子岡粉壁甕兒輿歸思雖如弦尋朋當一到  
唯罵行舟遲不知去國遠應教鄉夢成蓬雨孤眠穩  
泊舟還不惡溫酒呼漁子棘鬣活欲飛京城寧有此  
屋嶋平如屋粟峯雲髻鬢不待舟人指知是讚州山  
後帆追未及前帆勢欲騰行至潮門處帆帆影疊層



山色青模糊。波紋紫破碎。殘陽光已收。猶在一帆背。  
家遙斷雁邊。船守下碇處。鄰有筑前船。揚揚峭帆去。  
卸得帆無恙。呼來杯有情。穿鞋猶帶醉。大地可橫行。

右舟路

為橋元吉重寫耶馬溪山水圖

沒跡紅塵十二年。雪泥鴻爪已茫然。心裡溪山青未了。為君展作半縑烟。

冬夜強哉至同賦

霜威收水語。夜色壓燈花。喜汝雙鞋道。尋吾獨樹家。詩思老益退。酒味寒方加。問字無多暇。何辭到曉鴉。

故亦又首錄

土瓮浮春蟻。銅餅插水仙。杯盤同靜夜。霜雪已殘年。詩每落人後。醉誰居我前。名場甘獨退。望汝著先鞭。

送柘君績歸河內

北風吹雁群。一雁獨南飛。雖得棲宿所。奈與朋侶違。長思子孤子。童齡向我依。父視雖有愧。子育且絳幃。游息每提挈。風雪又浴沂。木國暑隨轎。榛城寒執鞮。擇師研舊技。磨礪導進機。松菊慮荒廢。粉榆告言歸。田廬先業在。未憂寒與饑。多暇親書卷。十日九掩扉。離群雖睽願。同在斯邦畿。郵傳非太僻。書信未應稀。有才多嫉怨。無恆難巫醫。忠篤



行蠻貊寧憂州里譏志進而身退吾言當佩韋

君績將歸畫林莊雨霽圖贈之係以詩時己丑臘月

也

墨心黯澹寄離情好在先廬想穆清兩足山田春未及一

林晨影讀書聲

題鶴

蘆荻託棲遲江湖垂羽翼平生萬里心鳧雁渠何識

除日

紛紛帳簿婦當家殘歲真如赴壑蛇不問計餘餘幾許眼

前有酒有梅花

山陽遺稿卷之四 畢



Blank page with vertical lines for text.

山陽遺稿卷之五

賴襄 子成著

庚寅

題北條時賴佐笠經世圖二首

雪白煙紅亦偶然  
龍身魚服豈虛傳  
聰明照徹覆盆底  
業鏡高懸三十年

殘芻喂馬雪來時  
破竈無薪飯熟遲  
梅意松心歲寒節  
陽春有脚聖先知

詩佛寄示悼亡詩賦此弔之

遙憐尊酒欲謀誰  
腸斷風清月白時  
贏得君家詩卷裡  
長



留絕妙悼亡詞

將遊嵐山細香至

將欲看花君恰來相攜明日卽佳期滿懷喜氣眠難著起見春星帶屋垂

嵐山

白頭仍對萬株紅。又挈匏尊向此中。汗漫不知身已老。閱過二十度春風。侍輿去歲已殘葩。攜酒今年半發花。誰識醉歌含暗恨。音容一別又天涯。

閏三月六日劉溥卿之子元載來訪曰溥卿繼來

禾得故人來。先見故人子。揖進突而弁。溫肅已可喜。揆袖出新文。璀璨拭目視。踈快有父風。寧可搖吾嘴。老泉生瞻由。叔黨更後起。一家出西僻。鍾此天下美。勉旃不墜聲。小成何足恃。鷲鈍亦父執。勿笑徒馬齒。呼杯餞汝行。欄前暮山紫。

七日溥卿至

碭陽分手十三年。今日相逢亦瞥然。嚴隊抽身真不易。可能小住共航船。

歸家強哉至

出遊歸來已黃昏。喜得剝啄恰到門。醉伴已散更得君呼



妻更爲溫餘尊今日尋花花盡落家有一餅插殘萼

雨窻與細香話別

離堂短燭且留歡歸路新泥當待乾隔岸峰巒雲纔斂鄰  
樓絲肉夜將闌今春有閨客猶滯宿雨無情花已殘此去  
濃州非遠道老來轉覺數逢難

送觀牛師東行

京國花稀綠樹稠薰風飛錫又東遊道人非是思歸客聞  
盡杜鵑出信州  
聞杏翁休官贈以磁杯頗大者  
報國心長短髮凋抽身宦海自今朝猶餘磊砢滿胸赤把

個淡杯時一澆

貽星岳梅子

黃梅墜地不酸牙拾寄書窻看奈何花下曾謀卜鄰計因  
循己是半年過

詠史絕句十五首

絕海窮兵難結局掀天大戰有餘威戈頭已拭雞林血枉  
向蜻洲再一揮

橫槊英風獨此公肉生髀裏斂軍鋒中原若未收雲雨河

北渾歸獨眼龍

北門鎖鑰本同儔六尺嬰孩任大憂保奭不持分陝柄燕



封卻自冠羣族

前田利家

依分樹國最稱強何料東風降幟颺猶得開門為節度當

初一劍有餘光

毛利輝元

會捐大鎮壓羣雄自壞長城誰誤公當日花根占豐土休

將作惡罵春風

蒲生氏鄉

郎君握手語嘔嘔憎殺家奴坐在輿卻為渠儂供敵餌惜

君一死意何如

中川清秀

碧蹄館下羽書馳敵勢如潮獨力支萬死兵機立談決誰

論華押字成遲

小早川隆景

馬鏡濺血踢奴肩含垢回鑣尚憤然誰料玉冰終釋憾千

春共戴太平天

池田輝政

過江誰怪楚鋒銛任將曾知黥布堪項斃歸劉非負項兒

孫長得有淮南

蜂須賀至鎮

隔離兒女死生關際會風雲向背閒一條笠繫八行字傳

得海南千里

山内一豊

一擲乾坤孤注難誰知老手咲傍看臣門如市心如冰此

腳寧堪跨馬鞍

黑田如水

當日使鷹資搏擊它年縛虎禁騰奔檻車彭越免菹醢未

是漢家真少恩

福島正則

枉止兒啼喚夜叉威靈無補子孫家誰言長物唯長鬣歷



海高城畫足蛇

加藤清正

鷹師革面卽元臣，運策帷中獨絕倫。  
羅網故縱狡兔活，孰爲功狗孰功人。

本多正信

曾參飛鷁翱翔處，早附冥鵬羽翼閒。  
強幹弱枝謀數獻，自家卻在一枝班。

藤堂高虎

庚寅六月省母氏病西下，會赤關廣江生來未數日而別。

十七年間君再來，君來吾往每參差。  
平生魚雁無稀闊，卻向天涯作別離。

姬路投馬場元華

行滕連日蹋炎沙，到得君家如到家。  
呼僕灌泉呼婢浴，臥看涼月在簷牙。

○自室津舟行

沙鷗猶戀舊江灣，廿歲榛洋數往還。  
幾處粉牆三備地，半空黛色四州山。  
客愁帆影櫓聲裏，鄉夢鴉啼月落閒。  
早翹短篷維故岸，相迎一咲粲慈顏。

望五劍山有懷故柴栗山先生

南望讚岐州，遙指五劍山。  
山峰如列劍，峭立衆嶺端。  
正襟遙拜之，非山思其人。  
柴公吾父執，實產出其間。  
應運振頽俗，天意秀氣攢。  
吾少瞻其貌，有似此孱顏。  
雖非甚魁梧，自



山陽先生遺稿卷五  
拔羣賢班談論挺鋒鏑文辭靡不寒顧吾謂可教朽木庶  
雕刻當時貪嬉樂悔不屢往還前輩日已遠從誰鞭駑頑  
典刑今安在山容獨嶺岼

舟中短歌

聞下碇愁拔碇喜數問朝來行幾里平生上舟卽仰眠此  
行噴惜何乃爾母病在蓐兒在船船行如卻意獨前浮烟  
落日帆欹處遙指藝州阿那邊

○舍舟上陸過兒陽有懷備後三郎

買舟室津口風潮違我卜三泊及備前決計終上陸備海  
所彎入地勢南屈曲隔水認熊山蒼翠層又復憶昔三郎

氏勤王舉其族一唱奪輿謀兩建防賊策句踐無克終范  
蠡志數踣昨過彌陀驛乃父事在目家世傳忠義寧讓楠  
與菊盾鼻墨可磨當時唯君獨備國三換主芳臭形榮辱  
忠孝無古今才學夙尸祝經過桑梓地何邊認舊宅欲起  
英魂問平生何所讀

君達從至笠岡其鄉也使之畱而余獨西

省母歸心吾直往逢兄情話汝須畱終然一片相扶意隨  
我依依到藝州

至竹原與秉甫同舟赴廣嶋

來路遙遙指海瞰心期明日見慈尊朝煙漸散波如織柔



櫓搖過貓子門

○舟過暗門志喜示同舟秉甫從弟

吾數過暗門。此行審其形。瀨山抱海陸。曲為藝東屏。誰鑿斷其尾。昔守姓曰平。當日排山力。斧鑄驅萬丁。至今賴其利。船運通捷程。有事守喉咽。可抗敵船行。嬴政絕地脈。漢唐滅戍兵。楊廣穿汴水。漕粟資宋明。暴人自費力。如為後代成。壯哉父母國。便安誰得爭。省親數由此。潮應如瓶傾。鄉粉已在眼。作詩紀我情。

杏丈人招飲

聞君賜宅傍川成。呼我開尊遣艇迎。數畝菜蔬如在野。一

堤篁竹自連城。退休猶享傳家祿。著作還伸報國情。小阮省親新弛擔。不辭侍飲剪燈明。

與丈人同舟維于譙下小飲

翠楊根露繫輪。船佐酒青梅。與紫蘇對酌。一瓢人不識。波紋細細上眉鬚。

源廷尉收弓波上圖

弓力誰嘲扎不穿。南軍落鼓膽先寒。閒收偃月波閒影。挂向身邊萬眾看。

聞京師地震賦此遣問

郵便得京報。變故昔未有。今月初二日。地震申至丑。繼聞



七晝夜連撼地欲剖。顛天沸啼哭。十室壞八九。提家席通衢。屋瓦墜左右。吾家無隻字。東望十搔首。遙想鴨厓屋。楫子依弱婦。相牽避沙中。又怕無居守。石岸應盡頽。唯餘露根柶。灘淡沙渚遠。不知能逃走。大兒能厲揭。小兒付婢負。覆巢得全卵。拮据瘠其母。虛任一家憂。向汝覺顏厚。爲書付急遞。待報旬餘久。存沒未可知。茫茫曷向扣。災稜被黔黎。豈可論誰某。側聞北闕事。如星入南斗。垂拱萬不與。謹怒一還受。螻螻敢訴患。具瞻可額手。坂城及餘震。江門定安否。糴價當暴騰。喁喁億萬口。吾聞天明災。三都相先後。信岳震且崩。饑民起相蹂。天數有周復。下土誰任咎。仰看

雲北奔。海雨龍吟吼。耿耿杞人心。長歌強拊缶。

題畫孔雀

自顧鱗鱗金翠衣。故來猶帶舊恩輝。文章圖報豈無所。祇合海雲深處飛。

發廣鳴

兒送自厓返。爺舟猶未發。返至橋頭望。舟燈應明滅。

翌曉作

別母猶夢母。分明侍膝前。醒來知那處。蓬底獨爲眠。

東上道中獲疾作此遣悶

往時衝暑氣。三旬患瘟疫。還時侵秋冷。病痢忽復劇。念親



又念家。奔走窮晨夕。母親雖就安。妻兒還遇厄。誰向九回腸。更刺萬枝戟。中迫勢惶急。邊警頻傳檄。出難無下意。大軍臨隘院。已無僮奴扶。寧有醫藥獲。十里九停轎。臥背不帖席。每被驛丁罵。時遭店媪毆。孤身况衰老。艱苦備嘗歷。溝壑士所期。境地有順逆。患難大如山。處之要安適。區區曷足言。何必屢頓蹙。堅坐剔寒燈。殘光猶盈尺。

到家

震後歸京城。伏水變泊所。收絆上淀橋。嶽輿徑鳥羽。道路裂有痕。綠旋賴明炬。炬光中窺看。人家壞未補。墜瓦堆成邱。傾壁纔撐柱。街陌整如故。到家方四鼓。屋矮敗不堪。依

然瞻衡宇。家中防盜賊。聞語慳開戶。山妻面帶瘦。呼兒起拜父。力疾奔十里。尚爲欲見汝。遇震時何如。將荅色先沮。婢僕進攬說。挑燈談無序。牆屋粗復舊。米薪憂萬緒。置是且溫酒。生存喜幾許。

憶母二首

既見妻兒面。回頭憶阿孃。阿孃難可見。江海頓茫茫。秋風吹吾冷。還吹木葉飛。吹到故園樹。莫侵慈母衣。

到家後書適

炎沙沒脚兩鞋穿。困眼唯依笠影圓。回首行程如隔世。木樨香裏擁衾眠。



憶昨盆蘭子玉芽。香苞未坼已離家。渠儂亦恨無人賞。待我歸來重著花。

新歸飲酒

吾家皆無恙。吾柳亦依然。吾蘭華再發。吾桂香未殘。相共待吾歸。何以賀平安。呼婦開吾酒。久藏無點酸。醉盼柳蘭桂。欣欣竝怡顏。

觀藏畫示在塾廣江大聲

明盛茂燁字興華石湖暮色圖

會弄興華暮色圖。老練暈墨苦模糊。今朝挂得晴窗側。呼汝雲烟評有無。

盆蘭含露吐芳腴。壁畫映明看滌濡。一日晴窗清福足。當

分軟半與君俱

題竹洞春琴與余合作山水

施皴容易設枝難。林有姿容石貌頑。磊砢胸中存粉本。諸君為樹我為山。

題竹洞倪法寒林圖

欲擬倪迂果若何。未須折帶作陂陀。知君惜墨如金處。不待傍觀喚亦過。

重陽

日暖霜乾未舉卮。大樽磊落到門遲。回頭欲罵東籬菊。汝有何忙放一枝。

丹人約酒未至



山陽先生遺稿卷五  
題蝦夷人圖

懸厓雪採罷熊膽絕海冰又腥膈齊千嶋侏離歸版籍桑  
弧鍬戟是鋤犁

古賀溥卿爲其藩侯索吾畫寄以絹一幅書此辭之  
磊砢橫胸不自持吐爲狂墨漫淋漓此心應有故人識敢  
向侯門喚畫師

曾謝橫經弄翰儒寧將餘技待觀娛懷中畫本猶堪獻仿  
彿函風七月圖

題新著通議後七首

傍觀時議添蛇足熟識宦途編虎鬚卻有世情灰不盡著

書猶欲擬潛夫

肉食謀存誰置評自嘲多事老書生一窻風雪妻兒臥奮  
筆燈前紙有聲

陳編儘許口縱橫敢趁諸公贊太平未必語言當菽粟且  
憑筆墨鬪蛟鯨

藝苑鴻文錯典墳儒林閑議媿河汾吾無周禮橫胸裡直  
掩肝腸寫示君

敬輿駢體含流動和仲分篇見貫穿跛鼈自知千里隔學  
文亦似上青天

洪流日夜淺成溪未缺金甌自古今策漢過秦同一意無



人識得賈生心  
半生歲月酒中消  
落魄耽詩鬢欲凋  
小杜唯留二論在  
豈無身後李文饒

雲山乞詩

雲叟耳聾心不聾  
清音寫得筆端聰  
紛紛毀譽如塘沸  
不到經營慘澹中

詠大江廣元

朝局久持人後笏  
幕中來運食前籌  
連雲瑞穗消兵氣  
誰料陰分一半秋

喜獲貓

嗷嗷有聲燭則無  
一寢十起欲何如  
殷勤憑君索狸奴  
送致俊物喜有餘  
遍體斑文好牙鬚  
命名當喚小於菟  
必辨我賊隨指呼  
已覺群黠絕  
昨盱戒兒勿輕狎  
玩渠渠能先汝  
護爺書

蝦夷錦歌為筑後佐田修平作

紫鳳蹴濤天吳躍  
一丈團窠雲五色  
織以冰蠶寫海暎  
正視則赤側視碧  
曰蝦夷錦或曰非  
北狄所製互市獲  
豈無海賈遞鬻來  
親獲夷疆事大奇  
南筑有人學於武  
裹足更究東北夷  
還逢松藩大閱日  
縱觀罽毼弧箭隨  
旛旗揮毫幕中拜  
此賜匹如宮袍被  
姓李囊攜萬里獻  
尊親寧同畫



山陰先生遺集卷五  
旋誇富貴君不見海徼無復警風魚投筆誰敢事戎車卻  
把翰墨博遠物較其績藻果何如願君成才拔常品經文  
緯武兩研審成其可用如布帛不唯可觀如此錦否則能  
諳夷狄情狀資邊防如此錦盡寫水族怪詭無道藏  
與登登菴舊社夜坐

故人難再遇猶見故人徒舉此三杯酒聊同半夕娛天寒  
水聲苦夜久燭光孤庭樹知霜重啞啞起宿鳥

詠山中鹿介

存孤杵白何忘趙乞救包胥暫託秦嶽嶽驍名誰喚鹿虎  
狼世界見麒麟

詠僧文覺

斬卻袈裟卽佛緣風情法力孰超群鬪體在袖施何咒掣  
得獐龍俄起雲

君彝來訪二首

山紫雪亦紫此語君始道君來隔八年恰逢山雪好玻璃  
含寒日影向杯中倒得不同微醺忍寒側我帽  
掃榻畱君宿永夜同燈燭君坐讀我詩我臥眠還覺衰情  
猶故吾煩君細評駁瓶中水僊花夜久亦吐萼

除夕君彝來同守歲

當我相思夕知君來宿心孤燈歲共守兩鬢霜同侵鄉土



粉榆遠京城鐘漏淡較存慈母在關意信浮沈

山陽遺稿卷之五 畢



早稲田大学図書館

011888009630